

APPROBATIO.



IX commissione Perillustris Admodum, ac Reuerendissimi Domini Episcopi Oscensis, Conuentus nostri Patroni, volumen istud diligenter euoluimus, imò voluptuose comedimus, nec amaricauit in ventre, nec dentes obstupuerunt inscriptionis acerbitate, Apologia titulo. Enimvero si in dies tumultuosus pullulat impugnator; cur desit doctrina D. Thomæ modestissimus defensor? Tanta enim est Angelici Doctoris excellentia, ubertas, subtilitas (quis enim subtilior Angelo?) ut sicut in laudem Augustini Patris dixit Volusianus. Legi Dei deest, quidquid Augustinum contigerit ignorare. Ita & in elogium S. Thomæ dicemus. Theologia diuina deest, quidquid Angelicus Doctor non perlustrauit. Apologeticus noster Auctor R. P. M. Fr. Ioannes Biescas Primariæ Cathedræ Antecessor meritiſſimus semper, tam emeritus, in hoc opere de thesauro suo protulit noua & vetera, quasi veteranus dux, uti nouus præliator, differens antiqua nouiter, & antiquitus noua, à soliditate scholæ S. Thomæ nunquā deflectens. Insignem Doctorem hunc Vniuersitatis nostræ splendidissimum sydus primæ magnitudinis venerati sumus; sed nunc in hac Apologia admirati elaritatē ingenij sui, qua difficilia quæq; adeo luculenter explicat, ut iam deinceps per ipsum futura sint præua in directā, & aspera in vias planas: copiosam breuitatem cum claritate compendiosa D. Thomæ ita assequitur, ut ipsissimum D. Thomam mire exprimat: nec solam in hoc volumine Theologiam primæ partis explanat: plures, quæ ad alias partes Angelicæ summæ attinent, materias expendit, & perficit: bonam Philosophiam, veram Metaphysicam Thomisticam, non prolixè, nec cursim, sed mediocri stylo exagitat, vindicat, illustrat. Patienter lege quoscumq; ambiciſus oculus mentis concupiscit flores, guttur fructus pulchros ac dulces: si enim patientiam habueris in seruo bono, omnia reddet tibi; omnes de re Theologica benemeritos, & sacræ Scripturæ Professores erudiens, & contradictores arguens. Cum ergo opus sit præstantissimum, nihilq; contineat fidei Catholicæ aduersum, aut Primæ Sedis diffinitionibus contrarium, optimisvè moribus dissonum, sed doctrinam sanam, piam, claram, & sanctis Patribus concordem; dignissimū typis in Dei gloriam, & communem omnium utilitatem censemus. In Conuentu S. P. N. Augustini Oscæ, die 4. Iulij 1634.

Magister Fr. Baptista Lisaca & Maſa
Conuentus S. Augustini Oscæ Prior,
& Scoti Cathedræ Antecessor.

Magister Fr. Andreas Estrada, sanctæ
Inquisitionis Qualificator, sacræ
Scripturæ Interpres, Prouinciæ
Aragonix primus Diffinitor.

LICENTIA.



DON FRANCISCVS NAVARRO DE EVGVI, Dei, & Sanctæ Apostolicæ Sedis gratia Episcopus Osceñ. Regiusq; Consiliarius, &c. Vissa Doctorum Theologorum Approbatione, librum, qui inscribitur: *Apologia pro doctrina S. Thomæ Aquinatis, Ecclesiæ sanctæ Doctoris Angelici, Auctore Fratre Ioanne Biescas sacri Ordinis Prædicatorum, in sancta Theologia Magistro, ac Oscensi Academia eiusdem facultatis Primario, in lucem edi permittimus.* Dat. in nostro Episcopali Palatio Osceñ. die 4. Iulij, Anno 1634.

Franciscus Episcopus Osceñ.

Admodum Illust. & Reuerendis. Dñi mei Episcopi mandato,
Ioannes Gaspar de Perisanꝝ Secret.